

ԱՎԱՐՏԱԿԱՆ ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ՝ Սովորողների մեջ ինքնուրույնություն, նախափեռնություն և ստեղծագործական ունակությունների զարգացումը առարկայի դասավանդման ընթացքում

Աշխատանքի ղեկավար՝
Ուսուցիչ՝

Հասմիկ Բեյբության
Տաթևիկ Մուրադյան

Դպրոց՝

Ծովինարի միջն. դպրոց

2022թ.

Բովանդակություն

Ներածություն	3
Գծակարգերի օգտագործումը հայոց պատմության ուսուցման գործընթացում որպես բովանդակության ընկալման պատկերավոր միջոց	5
Փորձարարական դաս.....	7
Եզրակացություն	15
Օգտագործված գրականության ցանկ	17
Հավելվածներ	18
Դասապլան	19

Ներածություն

Թեմայի արդիականությունը: Հայոց անկախ պետականության վերականգնումը շրջադարձային նշանակություն ունեցավ ազգային կրթական համակարգի ձևավորման և զարգացման առումով: Անհրաժեշտություն առաջացավ հանրակրթական դպրոցում ամրագրել հայագիտական առարկաների տեղն ու դերը, դրանց ուսումնական և դաստիարակչական ընդգրկվածության և բովանդակային հարցերը:

Այս համատեքստում առանձնակի նշանակություն ունեւ Հայոց պատմության նոր ծրագրերի, դասագրքերի ստեղծումը, քանզի հայոց լեզվի և հայ գրականության հետ միասին Հայոց պատմությունը հանդիսանում է հայագիտական առարկաների առանցքային հենքը, ինչպես նաև հանրակրթության բովանդակության առաջնային բաղադրիչներից մեկը: Ուսուցման գործընթացի կարևորագույն խնդիրներից մեկը սովորողների ինքնուրույն ճանաչողական և ստեղծագործական ունակությունների զարգացումն է:

Անհերքելի է գիտելիքների, մտավոր կարողությունների դերը մարդկանց աշխատանքային գործունեության արդյունավետության բարձրացման գործում:

Սակայն սովորողները դժվարանում են կողմնորոշվել գործնականում, երբ անհրաժեշտ է գիտելիքները կիրառել կոնկրետ, ոչ ստանդարտ իրավիճակում:

Այդպիսի սովորողներին ակադեմիկոս Դ.Ի. Բլոխինցը իրավացիորեն բնութագրում է <<լցոնած ձկներ>> արտահայտությամբ, որոնց պարունակությունը խանգարում է նրանց շարժունակությանը, և նրանք կորցնում են <<լողալու>> ունակությունը:

Խոսքն այստեղ վերաբերում է սովորողի գիտելիքների շարժունակության, մտքի ճկունության, ակտիվության, ինքնուրույնության բացակայությանը, գիտելիքները գործնականում կիրառելու անկարողությանը:

Գծակարգերի օգտաործումը բացառիկ դեր ունի սովորողի տարածական պատկերացումների և երևակայության ձևավորման ու զարգացման գործում:

Սույն հետազոտական աշխատանքի միջոցով կփորձենք ուսումնասիրել գծակարգերի օգտագործումը հայոց պատմության ուսուցման գործընթացում:

Հետազոտական աշխատանքի նպատակը և խնդիրները: Հետազոտա - կան աշխատանքի նպատակն է ուսումնասիրել՝ գծակարգերի օգտագործումը հայոց պատմության ուսուցման գործընթացում որպես բովանդակության ընկալման պատկերավոր միջոց:

Խնդիրներն են՝

- ուսումնասիրել՝ թե ինչպես կարելի է կիրառել գծակարգերի օգտագործումը հայոց պատմության ուսուցման գործընթացում,
- ուսումնասիրել՝ գծակարգերը որպես բովանդակության ընկալման պատկերավոր միջոց:

Հետազոտական աշխատանքի կառուցվածքը: Հետազոտական աշխատանքը կազմված է՝ ներածական մասից, հիմնական մասից, եզրակացությունից և օգտագործված գրականության ցանկից:

Գծակարգերի օգտագործումը հայոց պատմության ուսուցման գործընթացում որպես բովանդակության ընկալման պատկերավոր միջոց

Յուրաքանչյուր ժողովրդի պատմություն՝ նրա անցած ուղին է, նրա կենսագրությունն ու հիշողությունը, դարերի հոլովությունը նրա կերտած հոգևոր և նյութական արժեքների ամբողջությունը:

Բնականաբար նման առանձնահատուկ նշանակություն ունի սեփական պատմությունը նաև հայ ժողովրդի համար: Հայոց պատմության իմացության միջոցով է հիմնականում ձևավորվում հայի ազգային ինքնագիտակցությունն ու մտածողությունը, նրա միջոցով է աճող սերունդը հաղորդակցվում իր ժողովրդի անցյալին, պատմամշակութային ժառանգությանը:

Միաժամանակ, սեփական պատմության իմացությունը հնարավորություն է տալիս իրականացնելու ազգային նպատակները, պահպանելու և ապահովելու հայի, որպես տեսակի, շարունակականությունը: Հայոց պատմությունը բովանդակում է նաև դաստիարակչական վիթխարի ներուժ՝ աճող սերնդի համար հանդիսանալով հայրենասիրության, անձնուրաց պայքարի և ազգային արժանապատվության ապացույցների անսպառ աղբյուր: Հայաստանը հին ժամանակներից սկսած եղել է եվրոպական և արևելյան քաղաքակրթությունների շփման, փոխհաղորդակցության և փոխազդեցության կենտրոնում: Շփվելով տարբեր մշակույթների հետ, կրելով նրանց որոշակի ազդեցությունը, հայ ժողովուրդը, սակայն, պահպանել ու զարգացրել է ինքնատիպ քաղաքակրթություն, որի շնորհիվ հասել է մարդկության պատմության նորագույն փուլին և շարունակում է իր պատմական ընթացքը:

Հայոց պատմության յուրահատուկ գծերից է ազատության և անկախության պահպանման կամ վերականգնման համար մղված դարավոր պայքարը:

Ահա թե ինչու առարկայի բովանդակության մեջ մեծ տեղ են զբաղեցնում Հայոց պատմության հերոսական էջերը, ազգային-ազատագրական պայքարի նախորդ և նորագույն փուլերը: Անտարակույս, Հայաստանի՝ Հայոց հայրենիքի ազատագրության համար պայքարը մեր ժողովրդի պատմության մշտական ուղեկիցն է, նրա գոյության ձևերից մեկը: Հայոց պատմության իմացությունը հնարավորություն կտա ՀՀ 6

ապագա քաղաքացիներին ուսումնաստության ընթացքում ձեռք բերած գիտելիքներն ու ճանաչողական հմտությունները, հայկական քաղաքակրթության դարավոր ավանդույթները, փորձը և անցյալի դասերը լավագույնս ծառայեցնել ազատության ու բարգավաճման ուղին բռնած Հայաստանի անկախ պետությանը, պատկերացում կազմել համաշխարհային պատմության մեջ Հայաստանի և հայ ժողովրդի զբաղեցրած տեղի ու դերի մասին¹:

Զինվելով պատմաքաղաքական փորձով և լավատեսությամբ՝ այսօրվա սովորողները շարունակելու են կերտել ու զարգացնել հայրենիքի հարատևման և ծաղկման ամուր հիմքերը:

Հայոց պատմության հանրակրթական առարկայի գլխավոր նպատակը պատմական գիտելիքներով զինված, ազգային ինքնագիտակցությամբ օժտված, ազգային և համամարդկային արժեքներով առաջնորդվող, ազգային նկարագիր ունեցող հայ մարդու և քաղաքացու ձևավորումն է:

Այս առաջնահերթ նպատակից բխում են հետևյալ հիմնական խնդիրները.

- սովորողին հաղորդակից դարձնել նախորդ սերունդների ստեղծած հոգևոր - մշակութային արժեքներին,
- ցույց տալ Հայաստանի և հայ ժողովրդի պատմամշակութային ժառանգության տեղը և դերը համաշխարհային քաղաքակրթության մեջ,
- ծանոթանալ և իմանալ սեփական ակունքները, ժողովրդի պատմական ընթացքը ժամանակի հոլովույթում,
- օգնել հասկանալու պատմական իրադարձությունները, երևույթները և դասեր քաղել պատմությունից,
- ցույց տալ սերունդների կապը պատմության մեջ, ինչը կնպաստի պատմա - կան ժառանգականության ընկալմանը և պատմական փորձի յուրացմանը ու հաջորդ սերունդներին դրանց փոխանցմանը,
- ամբողջացնել և համակարգել հայագիտական առարկաներից սովորողների ստացած գիտելիքները:

¹ Տե՛ս, Արնաուդյան Ա., Գյուլբուղդյան Ա., Խաչատրյան Ս., Խրիմյան Ս., Պետրոսյան Մ., Մասնագիտական զարգացման ձեռնարկ, Ուսուցիչների համար, Կրթության ինստ. Հրատ., 2004, էջ 42-45:

Գծակարգերի պատկերների օգտագործումը սովորողների տարածական պատկերացումների և երևակայության, ստեղծագործական մտածողության, տեսական գիտելիքների դինամիկ աճի, գործնական և աշխատանքային ունակությունների զարգացման լավագույն մեթոդ է:

Ուսումնական գործընթացում մարդուն առավել անհրաժեշտ են գծակարգերի օգտագործման ունակություններ: Այդ իսկ պատճառով սովորողների գծակարգային պատրաստվածության հիմնական խնդիրը համարվում է գծակարգերի օգտագործման ուսուցումը:

Գծակարգերի օգտագործման մեթոդիկական մեզանում դեռևս մշակված չէ, չկա այդ կարևորագույն գործընթացի տեսական, գործնական համակարգ:

Գծակարգերի օգտագործման ուսուցման սկզբնական շրջանում անհրաժեշտ է ներմուծել լրացուցիչ ակնառու տեսանյութ, առաջադրել սովորողների մտավոր գործունեությունը, ակտիվությունը զարգացնող նյութեր:

Մենք ապրում ենք մի ժամանակում, երբ պատկերներ ստեղծելու հնարավորությունները մեծացել են: Արդյունքում մարդիկ ավելի լավ են յուրացնում այն ամենը, ինչը ուղեկցվում է պատկերներով: Դրանք կարող են լինել նկարներ, լուսանկարներ, գծագրեր, գծապատկերներ, գծակարգեր, ինֆոգրաֆիկաներ: Դասերը հաջողված են լինում, երբ «Հայոց պատմության» առարկայի յուրաքանչյուր թեմա ներկայացվում է համապատասխան տեսանյութով, տեսաֆիլմով, գծակարգերով: Դա խթանում է երեխայի հետաքրքրությունը, նրա անմիջական մասնակցությունը, օգնում է արագ և արդյունավետ յուրացնել նյութը, զարգացնում է ստեղծագործե - լու, ինքնուրույն մտածելու կարողությունը: Իմ սեփական փորձից ելենելով՝ հաշվի առնելով երեխայի ընդհանուր զարգացվածությունը՝ աշակերտին հանձնարարում եմ կազմել գծակարգ կամ էլեկտրոնային տարբերակով ինքնուրույն գրաֆիկական պատկերներ, որոնք համապատասխանում են թեմային:

Հանձնարարում եմ փնտրել, գտնել համապատասխան նկարներ, դասը ներկայացնելով սեփական/հեղինակային/ գծակարգերի, մուլտֆիլմի կամ ֆիլմի օրինակներով՝ հստակորեն ուղղորդում եմ աշակերտին, միաժամանակ տալով նրան ընտրության լայն հնարավորություն:

Այս ամենը զարգացնում է երեխայի երևակայությունը, նրա համար առավելագույնս հետաքրքիր և հաճելի է դառնում դասի ամբողջ ընթացքը: Դասը հետաքրքրություն է առաջացնում նաև դասընկերների շրջանում, ձևավորում է առողջ մրցակցություն²:

² Տե՛ս, Կառուցողական կրթության հիմունքները և մեթոդները: Ձեռնարկ ուսուցիչների համար / Գ. Հովհաննիսյան., Ա. Զոհրաբյան., Ա. Արնատույան և ուրիշներ., Ե.: Տիգրան Մեծ 2004, էջ 52-55:

Փորձարարական դաս՝ դասարան X, **առարկա՝** հայոց պատմություն, **ուսուցչուհի՝** S.Մուրադյան, **դպրոց՝** Ծովինարի միջն. դպրոց, **դասի թեմա՝** հայկական լեռնաշխարհ, **մեթոդ՝** Վեննի դիագրամ:

Դասավանդման ընթացքում հաճախակի օգտագործում եմ քարտեզները և քարտեզների միջոցով աշակերտներին հանձնարարում եմ կազմել գծակարգեր, որոնց օգտագործման հիմնական նպատակներն են.

1. Բացահայտել աշխարհագրական միջավայրը, որտեղ տեղի են ունենում ուսումնասիրվող փաստերը, որով բացահայտվում է բնության կատարած խոշոր դերը հասարակական կյանքում:

2. Բացահայտել պատմական երևույթների տարածքային ընդգրկվածությունն ու տևողությունը, որով պայմաններ են ստեղծվում տնտեսական, քաղաքական, ռազմական ու մշակութային կապերի և հակասությունների պարզաբանման համար:

Պատմական շատ իրադարձություններ հաճախ ավելի հեշտ յուրացվում են աշխարհագրական կամ տարածքային պայմանների առնչությամբ: Տեղի, կլիմայի, գետերի, ծովերի, բնապաշարների մասին տեղեկությունները նպաստում են փաստերն ու իրադարձությունները հիշելուն:

Կոնկրետ տարածքին և աշխարհագրական միջավայրին փաստերի համադրումը կոչվում է լոկալացում: Այս մեթոդի կիրառումը ենթադրում է պատմական քարտեզների օգտագործում: Աշխարհագրական քարտեզներից դրանք տարբերվում են նրանով, որ կենտրոնացված են սոցիալ-տնտեսական, քաղաքական, մշակութային տեղեկությունների վրա:

Պատմական քարտեզները լինում են՝

- թեմատիկ, ակնարկային,
- պլան-քարտեզներ, և
- սխեմատիկ քարտեզներ:

Տարածությունների մասին պատկերացումներ ստեղծելու համար արդյունավետ է կազմակերպել՝

1. աշխատանք ուրվագծային քարտեզի հետ,

2. աշխատանք ինքնաստեղծ ուրվագծային քարտեզների հետ, որը կարող է պատկերվել գրատախտակի, թղթի վրա:

Պատկերները գծվում են նյութի շարադրանքին զուգահեռ: Ընթացքում կարելի է օգտագործել նաև ապլիկացիաները, պայմանական նշանները: Պետք է հիշել, որ քարտեզներն ապահովում են պատմական երևույթների տեղադրումը տարածության մեջ, այլև հանդիսանում են պատմական իրադարձությունների մասին գիտելիք - ների աղբյուր, ուսումնասիրած նյութի ընդհանրացման միջոց, աշակերտների գիտելիքների ամրապնդման և ստուգման ձև:

Դրա համար էլ քարտեզը անհրաժեշտ է յուրաքանչյուր դասին, բայց պարտա - դիր է դասի թեմային համապատասխան: Մեկ դասի ընթացքում կարելի է կիրառել մի քանի քարտեզներ, բայց ոչ ավելի քան երեքը, քանի, որ այդ դեպքում սովորող - ները կշփոթեն աշխարհագրական տարածքները, պատմական գործընթացները, երևույթներն ու իրադարձությունները:

Եթե դպրոցում չկա ուսուցանվող նյութին համապատասխան քարտեզ, ապա չի կարելի այն փոխարինել պատմական այլ ժամանակաշրջանի քարտեզով, քանի որ սովորողների մոտ կձևավորվի սխալ պատկերացումներ տվյալ տարածքների վերաբերյալ:

Նման դեպքում խորհուրդ է տրվում օգտագործել ֆիզիկական քարտեզ, որի վրա սահմաններ չկան, օգտվել պատմական աստիճանից կամ դասագրքի քարտեզից:

Պատմական իրադարձությունների ուսումնասիրությունը քարտեզների միջոցով պահանջում է մշակել հատուկ նպատակաուղղված հարցեր.

1. Կոնկրետ փաստ վավերացնող /ցույց տվեք Հին Եգիպտոսի տարածքը/,

2. Մեկնաբանություն պահանջող /ցույց տվեք այն գետը, որի ջուրը Հապի աստվածն է լցնում/:

3. Պատմական քարտեզը այլ աղբյուրների օգտագործմամբ վերլուծելու նպատակով /համեմատել նոր և նորագույն շրջանների աշխարհի քաղաքական քարտեզները, մեկնաբանեք տարածքային և քաղաքական փոփոխությունները/:

4. Հիմնախնդիրների լուծում պահանջող³:

³ Տե՛ս, Կ. Լալայան., Պատմության դասերի պլանավորման նմուշ-օրինակներ, Երևան 2009, էջ 29-30:

Աշակերտները քարտեզների վերաբերյալ պետք է գիտենան, որ

1. Քարտեզի անվանումը համապատասխանում է թեմայի հիմնական բովանդակությանը,

2. Թեմատիկ պատմական քարտեզները գծագրվում են աշխարհագրական հիմքի վրա,

3. Պատմական քարտեզը ներկայացնում է անցյալը,

4. Քարտեզն ունի իր լեգենդը, որը մեկնաբանում է պայմանական նշանները:

Աշակերտները քարտեզների վերաբերյալ պետք է կարողանան.

1. Նշել և անվանել աշխարհագրական տարածքը,

2. Ընկալել մասշտաբը,

3. Համեմատել վայրերի հեռավորությունը և տարածքի չափերը հայտնի փաստերի հետ /մեծ է կամ փոքր է մեր հանրապետությունից, հեռու կամ մոտ մեր գյուղից/ քաղաքից մինչև մայրաքաղաք/,

4. Օգտվել լեգենդով բնորոշած պայմանական նշաններից,


5. Բանավոր մեկնաբանել քարտեզի բովանդակությունը:

Դասի մասնակցային սկիզբ ապահովող լավագույն մեթոդներից մեկը մտազրոհն է: Մտազրոհի միջոցով ուսուցիչը դասարանից հավաքում է մտքեր տվյալ թեմայի վերաբերյալ: Ընդ որում՝ մտազրոհի ժամանակ կարևոր է մտքերի քանակը: Կարևոր է նաև, որ աշակերտները առանց երկար մտածելու պատասխա - նեն ուսուցչի հարցին, որպեսզի ուսուցչի համար պարզ դառնան նաև այն սխալ պատկերացումները, որոնք թեմայի վերաբերյալ ունեն աշակերտները:

Նոր նյութը բացատրելիս կարևոր է օգտագործել գծակարգեր: Ուսուցչի խոսքը պետք է ուղեկցվի պատկերներով: Ապացուցված է, որ աշակերտներն ավելի լավ են սովորում, երբ խոսքն ու պատկերը զուգակցվում են:

Ստորև ներկայացված են գծակարգերի մի քանի օրինակներ:

Գիտելիքի կազմակերպիչներ



Նոր նյութի մատուցման փուլում շատ կարևոր է նաև արդեն իմացածի հետ կապակցումը:

Մարդը սովորում է այն դեպքում, երբ կարողանում է նոր գիտելիքը կապակցել արդեն իմացածի հետ: Հետևաբար՝ նոր նյութը պետք է անընդհատ կապակցել նախկինում ուսումնասիրված նյութի հետ:

Ժամանակի սղության պատճառով շատ հաճախ ուսուցիչները դասապրոցեսում իրենց տված հարցերին մեկ-երկու աշակերտից պատասխան ստանալուց հետո առաջ են անցնում: Այս մոտեցումն ուսուցչին հնարավորություն չի տալիս ամբողջական պատկերացում կազմելու, թե ինչ չափով են տվյալ թեման յուրացրել դասարանի բոլոր աշակերտները:

Նման իրավիճակում օգտակար է լուսակիր հնարի կիրառումը:



Թեման ավարտելուց հետո ուսուցիչը դասարանին հարցնում է թեմայի յուրացման մասին: Յուրաքանչյուր աշակերտ բարձրացնում է իր մոտ գտնվող կանաչ, դեղին, կարմիր թղթերից որևէ մեկը:

Եթե աշակերտը բարձրացնում է կանաչ թերթիկը, նշանակում է ամբողջությամբ յուրացրել է տվյալ թեման: Եթե բարձրացնում է դեղին թերթիկը, նշանակում է մասնակի է յուրացրել թեման:

Իսկ կարմիր թերթիկ բարձրացնում են այն աշակերտները, ովքեր չեն յուրացրել թեման:

Եթե կարմիր և դեղին թերթիկներ բարձրացնող աշակերտների թիվը շատ մեծ է, ապա նախընտրելի է, որ ուսուցիչը նորից անդրադառնա թեմային:

Իսկ եթե թիվը մեծ չէ, ապա կանաչ գույն բարձրացրած աշակերտներին կարելի է հանձնարարել աջակցել իրենց դասընկերներին:

Այսպիսով, կիրառվող մեթոդները թույլ են տալիս բարձրացնել դասապրոցեսի արդյունավետությունը և այն հնարավորինս համապատասխանեցնել պետական կրթական չափորոշիչների պահանջներին⁴:

⁴ Տե՛ս, Ն. Ղևոնդյան., Պատմության դասավանդման մեթոդիկա, Երևան 2001, էջ 12-14:

Եզրակացություն

Այսպիսով, կրթական բարեփոխումներն անխուսափելիորեն առաջ են բերում ուսուցչի ստանձնած դերի փոփոխություն: Այդ փոփոխության գործոնները բազմաթիվ են և, ի վերջո, պայմանավորված են նրանով, որ հասարակական արմատական վերափոխումների հետևանքով որակապես փոխվել է սերունդը՝ նրա մտածողությունը, ձգտումներն ու սպասելիքները, և, ուրեմն, փոխվել են նաև կրթական խնդիրները, դրանց իրականացման պայմանները:

Աշակերտը սովորում է ապրելով ու վերապրելով դասի ամբողջ ընթացքը, նրա համար հաճախ ավելի մեծ կարևորություն ունի ուսուցչի կողմից իրեն գիտելիք մատուցելու ձևը, ուսուցման գործընթացում իր ընդգրկվածության եղանակը, քան բուն գիտելիքն ինքնին: Ինչ: Ինչու: Ինչպես: Յուրաքանչյուր ուսուցիչ մինչև դասարան մտնելն ինքն իրեն հարց է տալիս, թե որն է դասի նպատակը և ինչ պետք է սովորեցնի նա աշակերտին:

Ուսուցման մեթոդը մանկավարժական գործունեության մի միջոց է, հնար, հիմնա -կան գործիք, որով իրականացվում է ուսուցչի և աշակերտի համագործակցությունը՝ ուղղված ուսումնառության նախանշված արդյունքին:

Ուսուցչի կողմից ակտիվ մեթոդների յուրացումն առանց աշակերտի անմիջական մասնակցության անհնար է: Մեթոդների կիրառումն ինքնանպատակ չէ: Դրանք նպատակ ունեն զարգացնելու սովորողների ինչպես մտավոր, այնպես էլ զգայական կարողությունները: Մեթոդների արդյունավետ կիրառման բանաձևեր չկան: Ցանկացած դասարան, դասապրոցես եզակի է, անկրկնելի: Ուսուցչի խնդիրն է ընդհանուր սահմանված մեթոդը հարմարեցնել այդ (եզակի) իրավիճակին:

Զարգացնող ուսուցման գաղափարից ելնելով՝ կրթության բովանդակության բնույթին համապատասխան, կարելի է առանձնացնել գծակարգերի օգտագործման մեթոդը:

Այս մեթոդի կիրառման ժամանակ ուսուցիչը ուսուցումը կազմակերպում է այնպես, որպեսզի ապահովի աշակերտների ակտիվ մասնակցությունը: Այս մեթոդի հիմքում ընկած են աշակերտների կողմից սովորելու համար նախատեսված իրի, առարկայի, երևույթի հետ անմիջական շփումը, բնական կամ պատկերների

մողելների, մակետների հետ ծանոթացումը: Ուսուցչի խնդիրը շարունակում է մնալ աշակերտներին ինքնուրույնաբար կարդացածը հասկանալ սովորեցնելը, գլխավորը երկրորդականից տարբերելը, ինքնուրույն եզրահանգումներ կատարելը:

Այսպիսով, պատմաբան-մանկավարժի խնդիրն է յուրաքանչյուր սովորողի համար ստեղծել այնպիսի նպաստավոր միջավայր, օգտագործել այնպիսի մեթոդներ, որոնց շնորհիվ հնարավոր կլինի դրսևորել նախաձեռնողականություն և ստեղծագործական միտք:

Օգտագործված գրականության ցանկ

1. Արնատուրյան Ա., Գյուլբուդադյան Ա., Խաչատրյան Ս., Խրիմյան Ս., Պետրոսյան Մ., Մասնագիտական զարգացման ձեռնարկ, Ուսուցիչների համար, Կրթության ինստ. Հրատ., 2004
2. Կառուցողական կրթության հիմունքները և մեթոդները: Ձեռնարկ ուսուցիչների համար / Գ. Հովհաննիսյան., Ա. Զոհրաբյան., Ա. Արնատուրյան և ուրիշներ., Ե.: Տիգրան Մեծ 2004
3. Կ. Լալայան., Պատմության դասերի պլանավորման նմուշ-օրինակներ, Երևան 2009
4. Հ. Ղևոնդյան., Պատմության դասավանդման մեթոդիկա, Երևան 2001


Հավելվածներ

Հավելված 1. Հայկական լեռնաշխարհ: Բնաշխարհագրական քարտեզ

ՀԱՅԿԱԿԱՆ ԼԵՈՆԱՇԽԱՐԻՔ
(Ֆիզիկական քարտեզ)



Հավելված 2. Հայկական լեռնաշխարհը և Առաջավոր Ասիան: Ք.Ա. III-II հազարամյակներում Հայկական առաջին պետական կազմավորումները:



ԴԱՍԱՊԼԱՆ

Ուսուցիչ՝ Տ. Մուրադյան

Առարկա՝ Հայոց պատմություն	Ամսաթիվ	Կիսամյակ	1	Դասարան	10-րդ
Թեմա՝	Քաղաքակրթության սկզբնավորումը Հայկական լեռնաշխարհում				
Օգտագործվող նյութեր՝	Գիրք, կավիճ, գրատախտակ				
Դասի նպատակը՝	1.Ներկայացնել հայկական քաղաքակրթության առաջացման ակունքները 2.Հայկական վաղ պետական կազմավորումները				
	Ուսուցանման արդյունքներ, որոնք կփաստեն, որ ուսուցումը տեղի ունեցավ				
Վերջնարդյունքներ ը	Իմանա Հայկական քաղաքակրթության առաջացման ակունքները: Հայաստանի մշակույթի տարածումը:1-ին պետական կազմավորումը Արատտա՝ „Արմենիա,, անվան հիշատակմամբ Ուրմիա, Արման, Կուտիական աշխարհակալություն				
Գործողություններ (Ժամ/տևողություն)	Ուսումնական գործունեություն Աշակերտներ	Ուսումնական գործունեություն Աշակերտներ	Հարցադրումներ		Կիրառվող մեթոդ (ներ)

	<p>Նախապատրաստվել է դասին:</p> <p>Հնչեցնել իրենց համար կարևոր կամ անհասկանալի հարցեր</p>	<p>Կատարել աշակերտների հաշվում: Պատասխանել աշակերտների կողմից հնչեցված հարցերին: Աշակերտներին /թերացողներին/ տալ համապատասխան հարցեր: Հարցերի միջոցով ամփոփել ամբողջ դասը:</p>	<p>1. Երբ է տեղի ունեցել անցումը նախնադարից վաղ քաղաքակրթություն և վաղ պետակ. կազմավ.</p> <p>2. Երբ է տեղի ունեցել մշակույթի տարածումը:</p> <p>3. Ներկայացրեք Արրատա երկիրը:</p> <p>4. Որ աղբյուրներից ենք տեղեկանում Արմենիա անվան հնագույն հիշատակման մասին:</p> <p>5. Որն էր Կուտիական աշխարհը:</p>	<p>Մտագրոհ հաղորդումների մեթոդ</p>
<p>Տնային և աշխատանք 3ր</p>	<p>Տնային առաջադրանքի հանձնարարում</p> <p>Նոր դասի հաղորդում</p>			

Փոխնորթն՝ _____